

VINDICIÆ CULTUS DIVINI,
ceu
PROPOSITIONES quædam
THEOLOGICÆ,

De natura & objecto cultus Religiosi;

Quibus accesserunt, appendicis locô, Propositiones
paucula de orationibus viventium pro defunctis:

Quas auspice D. O. M. cujus res hic geri-
tur, & συζητήσιω inoderante Venerabili & Cla-
riss. Viro, D. D. ROBERTO BARONIO,
S S. Theol. Doctore, ejusdemque Pro-
fessore meritiss. & Facultatis Theo-
logicæ Decano,

Pro S S. Theol. professione, ejusdemque Docturâ,
tuebitur ANDREAS STRACHANUS Presbyter,
ad diem penultimum Decemb. Anno 1634.

ad aurora ad vesperam, in auditorio Theolog.

ACADEMIÆ REGIÆ
ABERDONENSIS.



ABERDONIÆ,

Imprimebat Edwardus Rabanus, 1634.

REVERENDO ADMODVM
IN DEO PATRI,
ET AMPLISS. DOMINO,
PATRICIO,
MISERATIONE DIVINA
EPISCOPO ABERDONENSI,
SUPREMI SCOTORVM SENATVS CONSILIA-
RIO CONSULTISSIMO, ACADEMIÆ
REGIÆ ABERDONENSIS CANCELLA-
RIO EMINENTISSIMO,
DOMINO A CORSE, &c.

EN Tibi (Reverende & San-
ctissime Præsul) ante omnes, cujus jussu,
& autoritate, adhibitis Cleri ad id dele-
gati concordibus suffragiis, Provincia
huic capeßenda destinatus sum, pauculas
hasce Propos. Theol. sisto: tuoq; judicio omni animi sub-
missione permitto. Temporis angustia, instituti ratio, &
materia facunda nimis, si ἀρεταῖαν in his σκελετοῖς desi-
deres, veniam exposcunt. Cui vindicias divini & religio-
si cultus sacrare magis æquum, quam tibi, qui ut aqvi in-
ter homines, ita religiosissimus & devotissimus aterni nu-
minis cultor, ut es, ita ab omnibus depradicaris: quique
Spiritus S. speciali donò, precum meditararum, & expri-
mendarum facultate pulsquam vulgari polles. Et, ut fit,
postquam

postquam quâ senio, quâ morbo studiosis familiari, corporis membra, elanguerunt, pietatis exercitiis meditationi presertim, & orationi, magis sedulo operam navas, & entheos Spiritus motus, majori quam antea alacritate, anima exprimit, dum corpus moveri vix sustinet. Cujus arbitrio & patricinio se, suâq; commendabit, S. Scientia in hac Cathedra Professor, praterquam tuo: cujus auspiciis, imo magna, ex parte sumptibus fundata est. Nec aliud est, quo Ecclesia, quam DEI misericordia moderaris, bono consulere magis potuisti, ut ipsa experientia comprobaturum est. Postquam enim S. studium, quod diu ante in partibus hisce Aquilonaribus siluerat, loqui capit, DEVS bone! quanto in clero tuo subito mutatio? quanta ejus jam eruditio? si hac tempora cum prioribus componamus. Caterum, quod omnes qui Ecclesia hujus bono non invident, & quanti ejus tua incolumitas intersit, non ignorant, tacitis votis sollicitant, mihi liceat idem palam profiteri: DEVM Opt. Max. cujus cultus me vindicem tenuissimum licet, profiteor, veneror, ut Ecclesiam hanc clementer aspiciat, teq; diu salvem & incolumem Ecclesia, Scholis, & Reip. nostra velit.

Amplitudini Tuæ impensè
& humillimè addictus,

ANDR. STRACHANUS.

PROPOSITIONES
THEOLOGICÆ,
De natura & objecto cultus religiosi,
& de orationibus pro defunctis.

I.



Pud eos, qui linguarum apprimè gnari sunt, in confesso est, nec in lingua sacra & primigenia; nec in lingua Græca (quam etiam sanctam esse voluit, iussitque DEVS, cum eâ consignari alteram S. paginæ partem effecerit) nec in lingua Latina, quæ post linguas sacras celeberrima est; nec denique in lingua nostra vulgari, quâ vernæ loqui solent, occurrere vocabula propria & peculiaris, quibus cultus DEO soli debitus exprimitur. Rationem si quæras, frustra sis: cum vocabulorum impositio voluntaria sit & gratis facta.

II. Doctores Ecclesiastici metuentes, ne temporis decursu, vocabulorum communis usus confusionem in rebus secum afferret, huic obviam ut irent, consilium inierunt cultum divinum ab omni alio, etiam, quantum ad voces, quoad ejus fieri potuit secernere; &, quod in jure fieri solet circa res, communitatem in proprietatem commutare.

III. Hoc intuitu adorationem à veneratione in usu communi distinctam cernimus; hancque in creaturarum cultu, illam in divino usurpamus. Cæteraque ejusmodi brevitati condono.

IV. Religiosa adoratio, cujus objectum hic anquiritur, est actus ab habitu Religionis (quæ & *θεωκρατία*, & *εὐσεβεία*, & *παιδεία* vocatur) proveniens: omnesque partes officiorum divinorum complectitur, ad quæ DEO immediate præstanda, præceptis primæ legis tabulæ tenemur, &c.

V. Religio,

V. Religio, cujus actus elicited & formalis est adoratio hæc, quæ inde RELIGIOSA dici meruit, est virtus supernaturalis, qua habiles & idoneæ redduntur creaturæ rationales, ad præstandum DEO cultum acceptabilem. *Rom. 8. vers. 26. 1. Cor. 12. 3.*

VI. Adorationis hujus actus quatuor sunt subordinati: quorū primus est infinitæ excellentiæ, majestatis, & perfectionum divinarum apprehensio & consideratio: Secundus est earundem pro-creaturarum modulo existimatio: Tertius est voluntatis, & omnium potentiarum animæ demissio & prostratio quasi, dum enim mens majestatem divinam cum creaturæ tenuitate componit, voluntas, & ex ejus imperio aliæ omnes inferiores potentie tantæ majestatis contemplatione, pronæ & cernuæ, quasi, fiunt: Quartus est submissionis internæ per actus exteriores contestatio, puta genuflexionem, capitis apertionem, &c.

VII. Objectum Religiosæ adorationis est sancta & increata Trinitas, Pater *Matth. 26. 39. Iob. 41. 41. & 17. 1. Filius Act. 7. 59. & 9. 14. 2. Cor. 12. 8. & Spiritus S. 2. Pet. 1. 21. Luc. 1. 67. & 70: Centri-unus ille DEVS vivus, & verus Deut. 6. 13. & 10. 20. Matth. 4. 10. per CHRISTVM unicū mediatorem Iob. 14. 13. 14. & 16. 24. 1. Tim. 2. 5. 1. Iob. 2. 1. 1. Pet. 2. 5.*

VIII. Omnes quotquot puræ puræ creaturæ sunt, sive mortalitatis conditione solutæ, sive eadem teneantur, esse adorationis Religiosæ indebitum objectum vehementer per tendimus, cum Theologis omnibus Ecclesiæ instauratæ *Rom. 1. 23. Act. 10. 25. & 26. Apocal. 19. 10. & 21. 9.*

IX. Idem tamen libenter concedunt excellentiæ & perfectioni sive Angelorum, sive hominum, in variis gradibus, suum cultum deberi: ne dum idola abominantur sacrilegiant, contra mentem B. A. *Rom. 2. 22.* quem cōmuniter CIVILEM vel HUMANUM appellare amat. Metuunt enim, ne si RELIGIOSUS dicatur, ex vocabulo scandalum exoritur. His etiam rationibus adducuntur, primo quia sancti omnes, etiam si qui ad

gloriz statum eveſti ſunt, imo & ipſi Angeli beati *συνολί-
ται* noſtri ſint *Ephes.* 2. 19 : deinde excellentia quævis hu-
mana, etiamſi ordinis ſit ſupernaturalis, eò ipſò quod in ho-
mine eſt, humana ſit.

X. Non renuerent Doctores reformati cultum qui Sanctis ex-
hibetur propter dona ſupernaturalia, ſive gratiæ, ſive gloriæ,
à cultu illo, qui etiam *τοῖς ἐξωθεν* debetur, propter virtu-
tes morales, vel propter honores civiles & politicos, etiam
ſecundum nomen ſecernere: modo vocabulorum penuriâ
non urgerentur.

XI. Nec ullus cordatus diffitebitur actum illum honoris,
vel obſervantiæ, qui Sanctis propter dona ſupernaturalia de-
fertur, religioſum dici poſſe, eo reſpectu, quo eleemoſynam
erogare, aut aliquem alium actum præceptis ſecundæ legis ta-
bulæ imperatum præſtare, actus religioſus dicitur, imo ipſa
relligio *Iac. & verſ. ult.*

XII. Quantum ad rem ipſam, piaculum & deſtabilis ſa-
crilegii crimen eſto Archangelis ipſis, vel ipſi etiam B. Virgi-
ni, cui honoris primatum ſupra alios omnes quotquot de uni-
verſitate creaturarum ſunt, ſi CHRISTVM hominem exci-
pias, deſert Eccleſia, cultum aliquem præceptis primæ tabulæ
commendatum, quique religioſus in prima nozione nuncupa-
tur, exhibere.

XIII. Optimè Epiphanius, in hæreſi Collyridianorum
DE I. & creaturarum cultum ſuis, quaſi, limitibus diſtin-
xit: ubi ait in honore ſit Maria: Pater, Filius, & ſpiritus S.
adorentur. Mariam nemo adoret.

XIV. Doctrina Eccleſiæ Romanæ de cultu religioſo, ea ex
parte, primò cenſuram meretur, qua humanam CHRISTI
naturam, ceu quod idem eſt, CHRISTVM hominem ſecun-
dum illam naturam, & B. Virginem, propter maternitatis re-
lationem præſertim, in eodem honoris gradu collocant:
quem HYPERDULIAN vocât, vocabulô ad id conſiſto, & piz
antiquitati incognito.

XV. Illud Suarezii 2. r. in 3. P. d. 22. S. 1. aſſerentis
actum

actum cultus B. Virgini delati ab eadem virtute religionis procedere, qua ipse DEVS colitur, propter ordinem ad Filium, ipsis ejus gregalibus displicet Vasquezio, de Lugo, & aliis.

XVI. Secundò in reprehensionem incurrit Pontificiorum doctrina in hoc argumento, quod invocationem Angelorum & Sanctorum plurimi Romanenses impunè, & absque censura Summi Pontificis, non solum esse actum cultus religiosi, vel dulcis, aut orationis religiosæ, sed etiam eximium adorationis genus appellare non dubitent. Ita Bellar. l. 1. de Sanctorum Beatitudine, in ordine disputationis, aliique.

XVII. In contrarium, orationem religiosam ad DEVM solum, qui solus cordium scrutator sit, quique solus exaudiat, & vota nostra præstare possit, esse dirigendam, cum Christus monet, in solenni illa oratione, quam in perpetuum usum Ecclesiæ suæ commendavit Matth. 6. 9. tum S. Scriptura passim & ubique Psal. 50. 15. & Rom 10. 14. tum denique S. antiquitas contestantur: cujus tot sunt, tamque luculenta testimonia, ut ea omnia laudari affectata brevitatis non patiantur. Instar multorum sunt, pro parte affirmativa Tertull. c. 30. Apol. communem Christianorum causam agens, Nos DEVM invocamus æternum, DEVM verum, DEVM vivum: et paulo post; Hæc ab alio orare non possum, quam à quo scio me consecuturum: pro parte verò negativa Patres Conc. Laodic. qui Can. 35. vetant Angelos (nec Sanctorum alia ratio) nominari; in oratione intelligunt. Hoc enim est, aiunt, Idololatria abscondita, i. velò religionis palliata.

XVIII. Iniquè, in reſcripſit C. Perronus distinctionum ludibriis, in sua replic. de Sanct. invoc. ubi asserit DEO convenire Orationem directam, absolutam, supremam, finalem, et sacrificalem; Angelis autem, et Sanctis Orationem tantum obliquam, sive indirectam, relativam, subalternam, transiti-
viam, et extrasacrificalem. Oratio enim omnis proprii nominis est actus religionis, seu latriæ, ut loquuntur, et DEO maxime proprius. Et negotiatio sancti unius cum altero, quæ licita sit compellatio potius, aut advocatio, quam oratio aut invocatio
dicenda

dicenda sit. Vide Archiepisc. Vsserium, contra Iesuitam Hibernum, in variis suorum operum locis, Crakanthorp. in defens. Eccles. Anglic. c. 58. aliosque.

XIX. Cum ritus Sanctos invocandi necessarius minime sit, vel ipsis Patribus Concilii Trident. et post illos multis privatis Doctoribus in Ecclesia Romana consentientibus, tum quia nec disertò præceptò, nec laudabili exemplò in S. Scriptura commendetur (ut non inviti largiuntur Eekius, Canisius, Tannerus, alique multi Pontifici) eumque dolendâ experientiâ compertum sit multorum scandalorum materiam eam suppeditasse; cuius pacis Ecclesiæ, et puri cultus æquè studioso cogitandum relinquimus, Annon è re Ecclesiæ esset, ad primævam precum simplicitatem, Sanctorum invocatione posthabita, confugere? Esi enim ritus necessarii, et autoritate præceptorum divinorum commendati, propter scandala, et abusus, in desuetudinem abire sinendi non sint; Charitatis tamen regula, Regis Ezechiae exemplo roborata, jubet ritus minime necessarios, ubi in abutum, qui eorum legitimo usui præponderet, trahuntur, cessare.

XX. In Ecclesia Romana, haud absque Idololatriæ discrimine, addo & crimine, non solum in locis publici cultus, prostant Imagines cum CHRISTI hominis, et Sanctorum; tum etiam invisibilis DEI et S. S. Trinitatis; verum etiam palàm et publicè populo ad cultum religiosum proponuntur, disertè contra expressum DEI mandatum, Exod. 20. 4. 5. Cui præstando etiam Christiani tenentur, cum morale sit et perpetuum, cumque jam vel maxime CHRISTVS DEV M, Spiritu et Veritate colendum docuerit, Job. 4. 23.

XXI. Lepidæ et Metaphysicæ illæ distinctiones Imaginis et Idoli, sanctitatis absolutæ et relativæ, per se et per accidens, propter se vel propter aliud, σοφαφαρμακα sunt, quibus nunquam mederi possint Idololatriæ Ecclesiæ Romanæ. Certè veteribus planè inauditæ fuerunt, et post annos 800. quando Theologiâ primum abuti cœperunt exclusæ.

XXII. Quant

XXII. Quantum præsidii in his distinctionum larvis collocarit C. Bell. facile perspexerit quivis, qui verba illa legerit L. 2. de Imag. Sanct. c. 22. ubi ait, Qui defendunt Imagines adorari Latrîâ, coguntur uti subtiliss. distinctionibus, quas vix ipsimet intelligunt, nedum populus imperitus.

XXIII. Quàm imparati accedant Pontif. ab S. Antiquitatis subsidiis, ad infelix hoc certamen, de cultu Imaginum, docet Erasmus utriusque Antiquitatis peritiss. in Catech. ubi constare ait, ex certis & probatis autoribus ad Hieron. usque ætatem, fuisse probatæ religionis viros, qui in Templis nullas ferebant Imagines: *Nedum earum adorationem.* Ipse C. Bell. loco jam citato, h. 3. reus fatetur Patres passim dicere Imagines non esse adorandas. Certè ante pseudosynodum Nicœnam nunquam definitus est conciliariis, et Imaginû cultus: cui non solum antè, sed et postea, per omnia sæcula, cum à privatis Doctõribus, tum Conciliis reclamatum est: horum Syllabum vide apud Crakanthorium. c. 64. qui magnâ curâ eam confarcinavit.

XXIV. Spississimus est Aquinatis error, qui Imaginem CHRISTI, eodem cultus genere, quo ipse CHRISTVS colitur, adorandam scilicet, p. 3. q. 25. a. 3. contra mentem, vel ipsorum Patrum Concilii Nicœni secundi.

XXV. Incongruè Imaginibus tribuunt Pontif. sanctitatem minimæ entitatis, relativam viz. & tamen iisdem cultum maximæ entitatis, latrîan viz. ut acutè, prout solet Eliensis in Resp. ad Apol. C. Bell.

XXVI. Sive cum Suarezio dicatur, cultum latrîæ immediate deferendum esse Imagini CHRISTI, et illa mediante ipsi CHRISTO, d. 54. in 3. l. 3. Sive cum Vasquezio, q. 25. d. 108. c. 1. utrique cum Imagini tum prototypo deferri immediate, tanquâ uni complexo aut aggregato, saltem quoad cultum externum, Idololatria est formata, ut loquuntur, et superstitio: utrumque enim in vitio est, tam cum creatore, quam pro eo creaturam adorare: Imago autem omnis, sive secundum materiam, sive secundum for-

nam & σχίσιν consideretur creatum quid est, et nullò fundamentò institutionis Dominicę nititur praxis illa, qua exemplar in Imagine, vel per Imaginem colitur cultu religioso.

XXVII. Immanis est et prodigiosus Vasquezii error, qui tamen hyperaspisten invenit De Lugo, asserentis unamquamque creaturam, etiam Dæmonem ipsum, vel muscam adorari posse propter DEVM, seu posse DEVM in iis adorari. T. 1. in. 3. d. 110.

xxvii j. Rem totam de usu cultuque Imaginum, Candido Lectori, Spalat. verbis, certè asteriscò dignis l. 7. de Repub. Eccles. c. 12. f. 75. repræsentabo; Si Ecclesia Catholica, inquit, diligenti trutinâ in altera lance poneret beneficia, quæ ex usu Imaginum capiuntur, in altera damna quæ occasione adorationis, et superstitionis existunt, hæc proculdubie longè præponderarent: atque adeò è re Ecclesiæ esset, si earum usus, & quanto magis cultus, omnino tolleretur de locis sacris et publicis, apertis præsertim jam postliminio Sacris Codicibus, quos linguâ vernaculâ legit vulgus.

XXIX. Cum Sanctorum spiritibus in cælis agentibus, qui sunt pars eorum potior, cultus religiosus non debeatur, multo minus eorum corporibus, aut ossibus, aut cineribus, aut si quæ alia sint eorum λειψάνα, cultus religiosus exhiberi potest, absque reatu Idololatriæ, et superstitionis damnabilis.

XXX. Horrendum est Idololatriæ crimen, vel ipsam crucem, sive in solidum, sive in partes divisam, in qua cum summis cruciatibus, & extrema ignominia, Sospitator noster vitam suam in sacrificium propitiatorium pro peccatis mundi DEO Patri obtulit, vel ejus signum, sive permanens, sive transiens cultu religioso adorare, Latriæ præsertim, ut non minus impie, quàm audacter asserit Scholasticorum Coryphæus. p. 3. q. 25. a. 4.

XXXI. Denique crassæ Idololatriæ rea deprehenditur Ecclesia Romana, cum non solum in usu augustissimi sacramenti corporis & sanguinis DOMINI, verum etiam extra
ejus

ejus usum, Adorationem divinam & religiosam, non ipsi cujus corpus & sanguinem percipiunt, sed speciebus, ut loquuntur, et symbolis directè exhibent, nixi nuperò et novitiò Transubstantiationis commentò.

XXXII. Prava hypothesis, quâ credunt panem consecratum non amplius panem, sed CHRISTI corpus esse, eos Idololatriæ crimine non liberat, ut vult Spalatensis; sicut enim qui feram occidit, hominem esseratus, homicidii crimen non defugit: ignorantia enim suppositi solum conducit ad minuendum reatum; ita qui panem vice CHRISTI. adorat, realissime ἀρετολατρείας tenetur, licet ignorantia proficiat ad DEVM ei exorabiliorem reddendum, dummodo poenitudine ducatur.

XXXIII. Ex præmissis concludere fas erit, Ecclesiam Romanam iustas et graves causas præbuisse funesto huic et exitiali schismati, et divortio, quò proh dolor! miserè hodie afflicta est Ecclesia, et Respublica Christiana: dum toties admoniti de Idololatriæ crimine, ad omnia tamen reformationis consilia obsurdescunt.

APPENDIX, DE ORATIONIBUS VIVENTIVM PRO DEFVNCTIS.

I.

Civis in S. Literis, vel mediocriter versato, constare potest, nullò vel expressò præceptò, vel exemplò, orationes viventium pro defunctis inibi commendari.

II. Ritus tamen hic plurimis, etisque doctissimis Protestant. probatur v. g. autoribus Apol. Confes. August. Cheminico, in Exam. Conc. Trid. et, si illi credamus, ipsi Luthero, Mentzero contra pistor. disp. 12. thes. 26. & 39. I. Gerardo T. 8. de. Morte p. 147. Fieldo de Eccles. L. 3. C. 29. & in Append
ad hunc

ad hunc Lib. p. 221. G. Vossio in disp. Theol. L. Andr. E. Wintoniensi, in resp. ad C. 18. L. replic. C. Perron. aliisq; plurimis, quos hic commemorare longum foret.

III. Et certè, si intra hocce articulos se contineant, nemini cordato damnari possunt aut debent orationes hæ, si viz. efflagitent viventes duntaxat, Primò gloriosam & maturam corporum, in die Adventus Domini Resurrectionem: Secundo plenariam utriusque cura corporis, tum animæ, in gloria secundum omnes gradus, cum essentialis, tum accidentales, ut loquuntur, consummationem: quos articulos, tacite, secundâ petitione Orationis Dominicæ contineri, probabile est. Atque hæc eadem defunctorum animas pro seipsis jugiter exposcere nulli dubitamus.

IV. Protestantibus improbantur hæ orationes, quatenus iis subesse errores, sive Origenis de finali instauratione omnium etiam Dæmonum; sive eorum, qui animas statim ab interitu cum corporibus extinguere asserunt, nec ante diem Resurrectionis universalis reviviscere; sive denique famosum illum Purgatorii Romanensium errorem.

V. Isdem eadem haud placent, quatenus iis subesse possunt incertæ & lubricæ opiniones, primo de visione beatificæ Sanctis ante diem extremum denegata (in qua opinione fuisse multos Patres, multis probabile est) Secundo de purgatione omnium in die extremi iudicii: Tertio de pœnis, impiis in Tartaro minuendis per superstitum preces: Quæ quorundam etiam Patrum privata placita fuerunt.

VI. Hoc intuitu Casaub. in resp. ad Epist. C. Perron. nomine S. M. B. R. scriptâ affirmat, Eccles. Anglic. etsi hunc ritum in primis sæculis non damnet (quibus tamen ægè evincant Pontif. factas fuisse orationes pro defunctis, eò sensu, quò hodie in eorum Eccles. sunt, viz. pro liberatione animarum ex pœnis Purgat. quibus secundum sensum afficiuntur) hodie tamen non putare sibi retinendum. Atque eandem esse mentem Eccles. nostræ Scotic. profiteri audeo.

TRI-UNI DEO GLORIA.